

ՊԱՏՄՈՒԹԻՒՆ ԻԷ.

Յադագս Մօրկայ կարգերոյ սպարապետ ա-
մեկայն զօրաց յարեւելոյ:

Եւ ինէր յետ մահուան կոստանդիանո-
սի Պատրիկի որդւոյ Գերմանոսի, որ էր
ընդհանուր զօրապետ ամենայն զօրաց
արեւելից, ոչ կամէին զօրավարը զօրաց
գիջանել իրերաց. վասն որոյ բարեպաշտ
կայսրն Տիրերիոս զՄարիկ, զորմէ ի վեր
անդր պատմեցաւ, որ եղեալ էր նորա
բարտուղար, և պատուեալ ի նմանէ ի
սկզբան թագաւորութեան իւրում և տը-
ւեալ նմա զպատիւ Պահապետութեան¹, և
սպա առաքեալ զնա իրբեւ սպարապետ
ընդհանուր և հրամատար զօրաց Հոռո-
մոց, որ էին յամենայն կողմանս արեւե-
լից. և կարգէր զնա տեսուչ պատերազ-
մաց, և իշխան ընդունելոյ և թողլոյ և
գործելոյ զամենայն որպէս և կամիցի:
Չայս հրամանս առեալ նորա բազում զըն-
դիւր պահակերաց² և բարտուղարօք³ մեկ-
նեցաւ և զնաց յաշխարհն կրպաղովկաց-
ւոց ուր և ծնեալ էր, յԱրարիսոս քա-
ղաքի, և անդ ի գաւառէ անտի ժողովէր
բազմութիւն երիտասարդաց և կարգէր ի
զինուորութիւն տէրութեան Հոռոմոց. նոյն-
պէս ժողովէր զերիտասարդս և ի կողմանցն
Հանձիթոյ, որ ի Հայս և յերկրէն Ասո-
րոց: Եւ հասեալ անդր, զնացեալ նախ հար
զրանակ իւր առ կլթարիճ քաղաքաւ. և
զահի հարան ի նմանէ ամենայն կողմանց
Պարսից, վասն կանխահոգակ համբաւոյ
նորա: Այլ մարգարանն որ պահէր զկողմն
Պարսկահայոց, առ երկիւղի, կամելով
ծածկել զփախուստ իւր յերեսաց Մօր-
կայ՝ ազդարար կեղծօք աւագանւոյն Թէո-
դոսուպոլսոյ: Աւուրս, ասէ, երեսուն
կազմեսցուր և պատրաստեսցուր, և ապա
մարտ դիցուր և տեսցուր թէ ո՞ յաղթէ
կամ ո՞ յաղթի: Իսկ նորա ծանուցին զբանն

1. Comes excubitorum.
2. Excubitor.
3. Skribon.

առ կոման Մարիկիոս. և տայր նա հրա-
ման ասել ցմարգպանն. Մեք այժմէն իսկ
պատրաստ եմք ի մարտ: Եւ մինչդեռ Հո-
ռոմը վստահացեալ կային, ի գիշերի անդ
փախստեայ գնայր Մարգպանն հանդերձ
զօրօք իւրովը, և ի զնալն ըստ սահման
երկրի իւրեանց՝ մտին ի սահմանս Հոռո-
մոց, առ Նփրկերտիւ, և սկսան ապականել
զերկիրն հրով և սրով և յափշտակու-
թեամբ, զբովանդակ սահմանս Ծոփոյ և
Ամղացւոց. և եկեալ հասին մինչեւ յԱմիդ
քաղաք, զոր նստեալ պաշարէին զաւուրս
երիս: Եւ իրբեւ տեսին, թէ ոչ կարեն
ի բուռն առնուլ զքաղաքն, խնդրէին ար-
ծաթ ի քաղաքացւոց անտի զի անվնաս
թողցեն զքաղաքն, և մի՛ մատնեսցեն յա-
պականութիւն զըջակայս նորա: Բայց ոչ
որ հաւատայր նոցա, զիտեղով զի գահմանս
քաղաքին դատելոց էին ի հուր, եթէ ըն-
դունէին արծաթ և եթէ ոչ: Յայնժամ բար-
կացեալ նոցա այրէին զամենայն եկեղե-
ցիս և զվանորայս զմեծ և զփոքր և զայլ
ամենայն որ ինչ արտաբոյ քաղաքին, և
ըջեալ ընդ ամենայն տեղիս ուր ոչ գոյր
նոցա երկիւղ, ասպատակաւ հինից զա-
ւուրս հնգետասան այրելով և յափշտա-
կելով, և ապա յերեսաց ահին Հոռոմոց փա-
խուցեալ երթային յաշխարհն իւրեանց:
Չայս ամենայն լուեալ կոման Մարիկ ի
սրտմտութիւն բարկութեան բրդեալ առեալ
զզօրս իւր չոգաւ յԱսորիս զկնի նոցա,
այլ ոչ կարաց հասանել: Յայնժամ զօրը
Հոռոմոց առ զայրուցս բարկութեան զա-
զանաբար դիմեալ անկան ի վերայ գաւա-
ռին Արգինն, յաճիւն և յաւեր դատէին զայն,
սատակեալ և յափշտակեալ և առեալ զա-
մենայն ի կողմանց անտի, զնային յաշ-
խարհ իւրեանց, որպէս պատմեալ է մեր
զայս ի պատմութեանս յառաջագոյն: Իսկ
զգերին ամենայն վարեալս ի կողմանց
անտի յաշխարհն Հոռոմոց, հրամանաւ
կայսեր տարեալ ի Կիպրոս կղզի բաժա-
նեցին ի քաղաքս և ի գիւղս, ուր և բնա-
կին նորա մինչեւ ցայսօր:

ՅՈՎՀԱՆՆԷՍ ԵՓԵՍԱՑԻ (ԵՊՍ.)

ԵԿԵՂԵՑԱԿԱՆ ՊԱՏՄՈՒԹԻՒՆ

(Շար. տես Բազմավէտ, 1934, էջ 266)

ՊԱՏՄՈՒԹԻՒՆ ԻԲ.

Յադագս Որմղի որդւոյ Խոսրովոս սր-
բայի, որ քաղաքացւոց փոխանակ եղաւ:

Իրբեւ մեռաւ արքայ Խոսրով, թագաւո-
րեաց փոխանակ նորա՝ մի յորդոց նորա,
անուն Որմիզդ, որ՝ որպէս ցուցցեն պա-
տերազմունք և գործք նորա զոր պատմե-
լոցս եմք, էր երիտասարդ ամբարտաւան
և գոռոզ և պակասամիտ: Արդ իրբեւ եղաւ
զթագ, ընդ հպարտութեան և անմտութեան
ամբարհաւած բարուցն, ոչ կամեցաւ ըստ
օրինի թագաւորաց առաքել առ կայսրն
հոռոմոց զթագնշանակն (symbolum),
մինչդեռ Տիրերիոս կայսր՝ թէպէտ և մարտ
պատերազմի էր երկրցուն ընդ միմեանս, ոչ
զլացաւ ըստ օրինի հրահանգաց առաքել
առ արքայ Խոսրով՝ ի սկիզբն թագաւորու-
թեան իւրում զընծայս թագնշանակին.
նոյնպէս և Խոսրով արքայ առաքեաց ի թա-
գաւորելն իւրում առ կայսրն Յուստինիանոս
որ երեք ամօք յառաջ քան զնա թագաւորեալ
էր: Իսկ սա ասէր յամբարտաւանութեան
և յանմտութեան իւրում. Մի՞թէ ծառայից
իմոց ընծայս առաքիցեմ. և ոչ առա-
քեաց: Եւ ոչ այսչափ միայն, այլ անար-
գեաց ևս զգեսպանս Հոռոմոց, որք առ հայր
նորա եկեալ էին կայսերական պարգեօք
և հրովարտակօք: Քանզի իրբեւ հասին
նորա յԱնտիոք՝ լուան զմահն Խոսրովու
և զթագաւորել որդւոյ նորա: Իրբեւ եհաս
լուրս այս առ իսաղաղասէր կայսերս մեր,
պատուէր առաքեցին հրեշտակացն՝ երթալ
յանդիման լինել նորոյ թագաւորին: Հրա-
ման ետ նա հպարտութեամբ՝ զալոյ, ըն-

կալաւ գոռոզաբար, և այնքան վիշտս
վտանգաց հասոյց նոցա ընդ երկար, մին-
չեւ ի բանտ արկանել և մահու սպառնա-
լիս կրել: Ապա խրատ ետուն նմա մոգքն
արձակել զնոսա. այլ և յայնժամ ոչ ընդ
ուղղոյ ճանապարհն արձակեաց զնոսա,
այլ ետ զնոսա առն միոյ տանել ընդ ա-
փափայս և ընդ լերինս բարձունս, մինչեւ
յոգիս ապաստան լինել նոցա և ասել ցա-
ռաշնորդս իւրեանց. Եթէ սպանանել զմեզ
կամէիք՝ ընդէ՛ր ոչ ի սկզբանն յայտնա-
պէս սպանէք, այլ ածէք զմեզ այսր չա-
րամահ լինել ի վերայ լեռանցս: Բայց Տէր
օգնեաց նոցա, և ապրեցան ի մահուանէ
և եկեալ պատմեցին կայսեր և ամենայն
ժողովրդեան զչարութիւն և զանմտու-
թիւն առնն:

ՊԱՏՄՈՒԹԻՒՆ ԻԳ.

Թե՛ գինչ պատճառք եղեւ ծագման չա-
րեացն և քակերոյ հաշտութեան որ ընդ եր-
կուսն տերութիւնս:

Առաջին պատճառք հաշտութեան լուծ-
ման՝ Պարսկահայոց ի Հոռոմայեցիս անձ-
նատուր լինելն եղեւ: Երկրորդ պատճառք
ոխերիմ թշնամութեան եղեն առաքու-
մըն դեսպանի ի կայսերէն Հոռոմայ ընդ
խորին աշխարհն Պարսից առ ազգս որք
թուրք անուանէին. թող զայլ պատճառան,
վասն որոյ Պարսք միեցան ի գործս դառ-
նութեան և յանհաշտ պատերազմն: Քանզի
կայսրն Յուստինոս յամի եօթներորդի թա-
գաւորութեան իւրում առաքեաց հրեշտակ
առ թուրքս զայր մի պատուական Ծեմարք
անուն:

ՊԱՏՄՈՒԹԻՒՆ ԻԸ.

Յաղագս պատերազմաց որ յաշխարհին
Հայոց և այլոց իրաց որք անդէն գործեցան:

Եւ մինչդեռ բազմութիւն զօրացն Հո-
ռոմոց էին ի կողմանս Պարսկահայոց ընդ
ձեռամբ երկուց զօրավարացն Յովհաննու
և Կիւրոսի, անդ ժողովէր և Պարսիկն
զգօրս իւր ընդդէմ նոցա և զի, որպէս ի
վեր անդր ասացաւ, անմիաբան լեալ բա-
ժանէին զօրք Հոռոմոց, և մի մասն իբրեւ
յիսուն հազար այր, ասէին ի մի բերան,
լի բարկութեամբ գրգռեալ. Ոչ ոք ի մէնջ
երթիցէ ի պատերազմ. ոչ կամիմք մարտն-
չել և ոչ ընդ թշնամոյ ումեք, չեւ ըն-
կալեալ զոռնիկս մեր բովանդակ. և եթէ
ոչ տացի մեզ ամենայն լիովին ըստ իւ-
րաքանչիւր կարգի և աստիճանի ընդ սահ-
մանեալ սակին: Զայս գիտացեալ Տիրե-
րեայ կայսեր՝ անդէն վաղվաղակի անյա-
պաղ առաքէր զկայսերական հոգաբարձուն՝
անդր զՈրմիզդ Դոմենտիոլ, գանձ բազում
տուեալ ի ձեռս նորա, զի բաժանեացէ զօ-
րականին, խաղաղացուցէ, հաշտեցուցէ
և կազմեացէ զնոսա ի պատերազմ: Յայնմ
ժամանակի Մարզպանն Պարսից առա-
քեաց պատգամ առ զօրավարս Հոռոմոց.
Է՛ր աղագաւ՝ ասէ, իբրեւ զկանայս հան-
դէպ միմեանց նստեալ հայիմք ընդ երեսս:
Ե՛կ յայտնի ճակատ յարգարեացուք և մար-
տիցուք: Զայս լուեալ Կիւրոսի զօրավա-
րի Հոռոմոց, գլով այր ուղիղ՝ զի էր նորա
վարժեալ առ մեծ զօրավարին Ներսիսի
և ընդ նմա ի բազում պատերազմունս
յաշխարհին Հոռոմոց արութիւն քաջու-
թեան ցուցեալ, ետ ասել առ Մարզպանն.
Մեք դեռ ոչ կարեմք մարտնչել, զի տա-
կաւին ամենայն զօրք մեր չեն աստ առ
մեզ. բայց եթէ դուք յառնիցէք ի վերայ
մեր, յայնժամ և մեք պատերազմեացուք
որչափ և զորս ձեռնհաս իցեմք հաւա-
քել ըստ կամաց Աստուծոյ: Զայս լը-
ւեալ մոգեանն՝ անդր ժամանէին, աներ-
կիւղ վստահութեամբ յանձնապատասխ

լեալ: Այլ ի նմին աւուր Կիւրոսս պատրաս-
տէր գաղտ լռելեայն զգօրս իւր միայն իր-
բեւ արս քսան հազար. խաղայր ի վերայ
թշնամեացն զիշերայն մինչեւ ի մերձենալ
առաւօտուն. իսկ զօրն Պարսից յանհոգս
հանգուցեալ ննջէին խաղաղութեամբ:
Յայնժամ նա իբրեւ զհուր որ հրդեհէ զան-
տառ և որպէս զրոց հրարողիւ լերանց,
անկանէր ի վրայ նոցա և վեր ի վայր
շփոթեալ հարկանէր ի սպառ, մինչեւ
սակաւուց ումանց ճողոպրել կամելով ի
փախուստ աճապարէին, կալեալ և զնոսա
ունէին ի կապանս: Կալաւ նա և Մարզ-
պան մի և զորդի նորա, և աւարեալ զբա-
նակ նոցա դառնայր մեծաւ յաղթութեամբ,
տանելով ընդ իւր զգէնս և զերկվարս թըշ-
նամոյն:

ՊԱՏՄՈՒԹԻՒՆ ԼԴ.

Յաղագս յազում պատերազմաց, և վեր-
ջին պատերազմն Կոմսիւն Մօրիայ, և ա-
ռուլն Արգինն:

Յայսվայր կարճ ի կարճոյ որ ինչ յառա-
ջին պատերազմունս պատահեցան՝ մի ըստ
միովէ նշանակեցաք, որպէս մարթացաք
ըստ կարի քննութեամբ տեղեկանալ զճըշ-
մարտութենէ նոցա: Ճառեցաք զպատե-
րազմաց քաջի Պատրիկին Մարկիանոսի առ
Մժբին քաղաքաւ, և զիրացն անդէն կա-
տարելոց և յետ այնորիկ, պատմեցաք
զանցս Խոսրովու զօրու ծանու ի սահմանս
Հոռոմոց և զառումն Դարայի, և ապա զԱ-
պամեայ. և յետոյ զարշաւանս բազմա-
յաղթն Մօրիայ յարեւելս փառօք մեծաւ,
և զարհաւրացն անկելոց ի վերայ գնդին
Մոգուց, և թէ որպէս խորհեցան Պարսիկք
ծածկաբար խաբել զնա և զնացեալ ի
կողմանց Նփրկերտոյ անցին ի սահմանս
Հոռոմոց, և շտապ տագնապաւ աճապա-
րեալ այրէին աւերէին և անցանէին ի կող-
մանս Ծոփաց և եկեալ յԱմիդ և տեսեալ
զի ոչ կարեն առնուլ զքաղաքն, ըստ օրի-
նի բարբարոսաց հրոյ ճարակ ետուն զա-
մենայն շրջակայս նորա, այրեցին զեկե-
ղեցիս և զվանորայս, այլովք հանդերձ և

առեալ զգերին ճեպով զնացին յաշխարհ
իւրեանց: Պատմեցաք և զայն թէ որպէս
Կոմսն Մաւրիկ զայս լուեալ սրտմտէր և
մտանէր զհետ նոցա. այլ ոչ ժամանէր.
ապա դառնայր շտապաւ ի կողմանս Ար-
գինն, այրէր և աւերէր և առնոյր գերի
զամենայն բնակիչս Արծինն, չտայր սպա-
նանել զնոսա, այլ առեալ տանէր յաշ-
խարհն Հոռոմոց. և ամենեքեան առաքեալ
լինէին ի Կիւրոսս կղզի: Առնոյր նա անդ
զամրոցսն, ընդ որս զանուանեալն Փոլմ
և կարգէր ի նմա պահապանս յազգէն Հո-
ռոմոց: Յարձակեալ և ի վերայ այլում
ամրոցի՝ որ կոչէր Քիլիմար, զոր պաշտպա-
նէին Պարսիկք, առեալ ի նոցանէ արծաթ
ի տուգանս ի բաց երթայր: Ապա եկեալ
ժողովեալ խօսէին ի խաղաղութիւն ընդ
միմեանս, և տային և առնուին ի միմեանց
աներկիւղ:

ՊԱՏՄՈՒԹԻՒՆ ԼԵ.

Յաղագս միշտոյ յերդին գոր Մօրիկ ևս
չինել հանդէպ սահմանացն Ծոփաց և անուա-
նեաց գետ Սամոկերտ (Samokerth):

Ըստ նմին օրինակի փութայր Մաւրիկ
շինել ի վրայ բարձու և ընդարձակ լե-
րին Սամոկերտի բերդ մի որ նովին ա-
նուամբ Սամոկերտ կոչեցաւ: Դնէր ի նմա
Հոռոմ, կարգէր նոցա պարէնս և ամենայն
պէտս բերդին հոգայր խնամով: Այս Սա-
մոկերտ է ի սահմանս Հոռոմոց. թողոյր
նա զշինութիւն նորա ի ձեռս ճարտարա-
պետաց և կատարէր զայն ծախիւք աշ-
խարհին Պարսից:

ՊԱՏՄՈՒԹԻՒՆ ԼԶ.

Յաղագս միշտոյ ևս յերդի որ կոչի Ակ-
բաս (Akbas) առ ամիս Կարատայ յերկրին
Պարսից:

Յայնկոյս գետոյն Կալատայ (Kalat).

որ է ի ծագ սահմանացն Նփրկերտոյ,
գտանի լեառն մի սեպացեալ, դժուարեւ
լանելի, յորում ի բազում ժամանակաց
հետէ ապականագործ ազգն մոգուց խոր-
հէր շինել ամրոց. այլ զի լեառնն մղոնաւ
բացագոյն կայր ի մէջ սահմանացն Հո-
ռոմոց և Պարսից, վասն որոյ ոչ կարէին
շինել ոչ սոքա և ոչ նոքա. զի Հոռոմք
հակառակեալ ոչ տային թոյլ. և շինեցաւ
իսկ յաճախ և կործանեցաւ: Այլ դէպ եղեւ
երբեմն Պարսից գտանել պարապ ժամա-
նակի և շինել և կարգել ի նմա պահա-
պանս: Իսկ յետ ամսոց ինչ խումբ մի
զօրաց Հոռոմոց եւ անդր և պաշարեաց
զայն և անուն զօրավարին էր Աւրոս:
Հրաման տայր նա պատել պաշարել զնա
ընդ ժամանակս ձիգս մինչեւ որ ի ներքս
անդ էին ստիպեալք ի սովոյ և ի ծարաւոյ,
և մերձեցեալ ի մահ, տեսեալ զտառապանս
իւրեանց, խնդրէին առնուլ երգումն ի Հո-
ռոմոց, զի մի սպանցեն զնոսա և մի վա-
րեցեն գերի կամ առաքեսցեն յաշխարհն
Հոռոմոց, զոր եթէ խոստանայցեն Հոռոմք՝
յայնժամ տուեալ զամրոցն և ինքեանք
եկեալ ի բաց երթիցեն: Արարին այնպէս
զօրավարն. խոստացան զոր նոքա խըն-
դրէին և նոցա բացեալ զամրոցն եկեալ
զնացին: Եւ իբրեւ եկեալ երթային և զը-
տեալ զշուր ըմպէին, և անդէն անկեալ
յերկիր մեռանէին ամենեքեան, և սակաւք
միայն ապրեալք լինէին: Ապա զօրավարն
հանդերձ զօրականօք ելանէին կործա-
նէին զամրոցն և ոչ թողուին ի նմա քար
ի վերայ քարի, զոր ոչ ցիր և ցան հոսե-
ցին վերուստ ի ստորոտ լերինն: Եւ այլ
եւս զօրավարք բազմութեամբ զօրաց ժո-
ղովէին անդր, և յայլ և այլ տեղիս բա-
ժանեալ նստէին և զգուշանային ընդդէմ
միմեանց: